

Swcigih Minzcunghvej Daengz Gveilinz Si Diuyenz

2 nyied 17 hauh daengz 18 hauh, Swcigih Minzcunghvej dangi-cuj cwngzyenz、fucujyin Veiz Sangyungz haj boux guhdoih daengz Gveilinz Si Hingh’anh Yen、Swhyenz Yen diuyenz gij cingzyauq hong mizgven couqmaenh gij eiqsik caezcaemh Cunghvaz Minzczu, gij hong cauhlaeb minzczu doxgiet baenaj, gij hong mizgven “sam hangh giva • Gvangjsih cingq hengzdoengh” caeuq gij cingzgvang minzczu yangh hwngfat. Haeujlaeg liujgaij gij cingzyauq caeuq ginghyen hong

minzczu vwnzva cienzciep、lijoyuz yungzhaeb hwngfat caeuq cauhlaeb minzczu doxgiet baenaj daengj, vih doiqdoengh hong minzczu aen dangj seizdaih moq hwngfat ndei daezhawj daemxcengj miz rengz. Cujdiuyenz gonqlaeng daengz Hingh’anh Lingzgiz Bozvuzyen、Vazgyangh Yauzczu Yangh Bozvuzgvanj、“Vazgyangh Gouj Mbanj” Swhyenz Yen Cehdenz Myauzczu Yangh Mbanjsizsanhdij, guh saeddeih cazyawj、dingq veibau、lwnhgangj doxyau daengj fuengsik,

cienz gij iugouz moq baihgwnz gvendaengz hozdung guh ciet, lwnh gihcwngz ganbu cingcuj, hingzseiq moq miz gij dakdaih aen yienh gagguenj caeuq hawj minzczu yangh hwngfat ndei saed guhlawz bae guhhong. Cujdiuyenz cungfaen haengj-dingh gij cingzcik Hingh’anh Yen、Swhyenz Yen guh gih guhyienh couqmaenh gij eiqsik caezcaemh Cunghvaz Minzczu、doiqdoengh giz dieg minzczu ginghci sevei hwngfat daengj aeu ndaej haenx. Caemhcaij

iugouz, aeu engq ndei fatok gij swhyenz ndei Lingzgiz vwnzva yizcanj caeuq mbanj minzczu miz daegsaek, guh laeg guh saed hong couqmaenh gij eiqsik caezcaemh Cunghvaz Minzczu, coicaenh gak minzczu samgyau, lai hawj gak cuz ginzcung roxnyinh ndaej daengz、roxnyinh vuenyungz、roxnyinh ancienz, vih hwnqguh gih guhyienh couqmaenh gij eiqsik caezcaemh Cunghvaz Minzczu okrengz.

(Cinz Bungz/陈鹏
Hoz Yenyungz/何雁容)



▲ Hozdung yienhciengz ginzcung foux lungzfiengz.

Lozcwngz: Guh Hozdung Gaiq Daihngeih Baijok Vwnzva Lijyouz Lungzsae

2 nyied 22 hauh, Lozcwngz Mulauzczu Swciyen Siujcangzanh Cin guh hozdung gaiq daihngeih baijok vwnzva lijoyuz lungzsae. Gij biujyienj fouxlungz fouxsaen haenx supyinx da vunz, gyoengqvunz foux lungzfiengz、lungzcaij caeuq saeceij, cungfaen yienh’ok gij yinxdaeuz daegbied lungzsae vwnzva dangdieg, yinx ndaej yienhciengz bouxyawj hemq ndei huhu.

(Liu Gvanghfuz/廖光福)



▲ Siuhfangzyenz fat siuhfangz soujcwz hawj ginzcung.

Bwzswz Denzyangz Gih Lwnh Hong Seizcin Siuhfangz Ancienz

2 nyied 20 hauh, Bwzswz Si Denzyangz Gih siuhfangz gouqcoengh bouhmonz youq Denzcouh Cin guh hong senhconz seizcin siuhfangz ancienz, bouxsenhconz siuhfangz ancienz caeuq vunzlai senhconz siuhfangz ancienz cihsiz, hawj gyoengq ginzcung bouxboux cungj rox siuhfangz ancienz cihsiz, mboujduenh gya’gvangq gvaengh siuhfangz senhconz, daezsang vunzlai siuhfangz ancienz suciz.

(Vangz Gozsun/黄国顺)

Mungzsanh: Youq Bakdou Guhhong Coi Lajmbanj Ginghci Hwngfat

2 nyied 19 hauh, youq Mungzsanh Yen Mbanjsinhhih ndaw aen gunghcangj guh buhvaq ndeu gyoengq gunghyinz cingq nyaengq ci guh buhvaq, hai cuk majliz ganj dinghdan. Bineix, Mungzsanh Yen cizgiz guh “rumzcin hengzdoengh”, gyoengq bouxguhnaz ndaej youq bakdou ranz couhnieb, minzyingz giyez ra vunz ngaih, saedyienh swnghcanj caeuq gai huq hai dou hoengz, coicaenh lajmbanj ginghci hwngfat.

(Gyangh Yungjluz /江永录)



▲ Gyoengq gunghyinz nyaengq ci guh buhvaq.